

Pinerluuteqarsimasunik Isumaginnittoqarfiup paaqqinniffiini parnaarussat tusagassiuutinut attaveqarsinnaatitaanerat pillugu nalunaarut

Kalaallit Nunaanni pinerluttulerinermi inatsimmi § 220, imm. 2 naapertorlugu, tak. inatsit nr. 306, 30. april 2008-meersoq, aalajangersarneqarpoq:

§ 1. Parnaarussat tusagassiuutinut inissiisarfimmi oqaaseqarsinnaatitaapput tamatumunngalu atatillugu assilitissinnaatitaallutik malittarisassat pinerluttulerinermi inatsisip § 220-aniittut malillugit.

Imm. 2. Pinerluuteqarsimasunik Isumaginnittoqarfimmut Pisortaq parnaarussat tusagassiuutinut oqaaseqarsinnaatitaanerannik assilitissinnaatitaanerannillu killiliisinnaavoq, taamaaliornissaq paaqqinniffiup isumannaatsuuneranik qajassuussinermi, inatsisinik unioqqutitsinermi pinerlineqartumik illersuinnermit imaluunniit inatsisitigut illersugaanermik misigisimanermik ersarissumik innarliinissap akornuserneqarnissaanik soqutiginninnermit ilalernartinneqarpat.

Imm. 3. Tusagassiuutinut oqaaseqarsinnaatitaanermi killiliineq ingammik atuuppoq parnaarussanut, immikkoortortaqarfinni killilimmik matoqqatitaasartuni imaluunniit matoqqasuni inissinneqarsimasunut, parnaarussa q isiginnaarutikkut aallakaatitassiami peqataassappat tamatumunngalu atatillugu nammineq pinerluutigisimasani pillugu eqqartuussivikkullu suliaq pillugu oqaaseqassappat.

§ 2. Parnaarussa tusagassiuutinut oqaaseqartinnagu paaqqinniffiup parnaarussa ilitsersussavaa tusagassiuutitigut saqqummernerup kingunerisinnaasai pillugit.

§ 3. Parnaarussanut pinerluuteqarsimasunut inissiisarfiup pensioniutaaniittunut § 1, imm. 1 aamma § 2 taamatulli atuutissapput.

§ 4. Nalunaarut atuutilersinneqarpoq ulloq 1. januar 2010.

Kalaallit Nunaanni Pinerluuteqarsimasunik Isumaginnittoqarfik, ulloq 7. december 2009

Thomas Nicolajsen